

[PF] 1 62591
7.
BIBLIOTHECÆ
CANTABRIGIENSIS
ORDINANDÆ
METHODUS QUÆDAM;
QUAM DOMINO
PROCANCELLARIO
SENATUIQUE ACADEMICO
CONSIDERANDAM & PERFICIENDAM
OFFICII ET PIETATIS ERGÔ
PROPONIT.

CONYERS MIDDLETON, S.T.P.
ACADEMIÆ PROTO-BIBLIOTHECARIUS.

CANTABRIGIÆ:
TYPIS ACADEMICIS.

MDCCXXIII.

BIBLIOTHECA

CANTABRIGIENSIS

ORDINANDA

METHODUS QUEDAM;

QUAM DOMINO

PROFANISCELLARIO

SENATUIQUE ACADEMICO

CONSIDERANDAM & PERFICIENDAM

OFFICII ET PIETATIS ERGO

PROPOUIT.

CONVERS MIDDLETON, S.T.P.
ACADEMIAE PROTO-BIBLIOTHECARIUS.



TIPIVS ACADEMICVS

MDCCLXXIII.

CELEBERRIMO DOCTISSIMOQUE
VIRO
ANDREÆ SNAPE, S.T.P.
COLLEGII REGALIS
PRÆFECTO,
ET
HUIUSCE ACADEMIÆ
PROCANCELLARIO.

CONYERS MIDDLETON,

S. P. D.

MITTO Tibi, Vir Dignissime, Tractatulum
huncce de optimâ librorum collocandorum
ratione; quem Tibi imprimis, Academicisque
deindè omnibus in publicum ideò proponere
Statui, nè in torpido hocce Bibliothecæ nostræ statu,
torpescere etiam Proto-Bibliothecarium vestrum cre-
deretis; quùmque à legum olim Interpretibus sanc-

D E D I C A T I O.

tum fuerit, quòd scribere sit agere, ut legitimum quoddam haberem diligentiae meae & industriae testimonium: quicquid verò demùm effecerim Tuo prorsus arbitrio dijudicandum relinquo; judicium enim, non Muneris magis, quod geris, dignitate, quàm Ingenii & Doctrinae præcellentia verè Tuum est; Teque, etsi Magistratum jam adire contigerit, Privatum tamen mihi omnium potissimùm Consilii Autorem deligerem, Judicem peterem.

Inter tot verò, & tanta negotia, quæ Te jam totum occupant, Bibliothecam Publicam præcipuè Tibi curæ fore certò scio; cujus accurata quedam & rectè ordinata dispositio ad Academiae nostræ famam & splendorem maximi planè ponderis & momenti est; cujusque fructus omnes nemo Te vel melius noverit vel uberius perceperit: Hæc nimirum, Fontium quorundam ad instar, qui lympham simul lumenque emitte dicuntur, Fons ille est, ex quo & Lucem & Pocula, quæ gestat manibus, haurit Alma Mater; illa caliginem atque ignorantiae tenebras dispellens; hisce plenos scientiae haustus Juventuti Academicæ propinans: Sive Armamentarium Illa Academia dici potius mereatur; unde Tela Filiis suis, uniuscujusque viribus accommodata distribuit Alma Mater; quæque non nisi summo gaudio in Doctrinae, Ecclesiae, & Religionis hostes tam feliciter toties à Suis, atque à Te præcipuè haud dudum torqueri viderit.

Hanc

D E D I C A T I O.

Hanc autem Bibliothecam tam illustrem, tamque Principis Munificentissimi beneficio auctam atque instructam pudet planè ab omni Usu literario semotam, atque à Studiis nostris conclusam tam diu jacere; Advenis tantum Spectaculum, nostris desiderium; quamque Tantali ad instar sitientes intuemur, neque summis tamen labris gustare valeamus: Tuum verò est, Vir Doctissime, ad Usus illam destinatos, ad bonas literas, bonosque mores promovendos educere tandem atque accommodare; Tuum est locorum hasce angustias amplificare; Ædificationem inchoatam absolvere; Librosque, tanquam Coloniam aliquam, in novas sedes deducere, locisque suis collocare: opus quidem perdifficile, atque in impeditis hisce Academiæ temporibus non nisi Tuis viribus & Tuâ constantiâ perficiendum: etenim Te, si rectè noverim, non minaces Potentium vultus, vocesque; non malorum impendentium metus, non instantium terror ab instituto cursu deflectet; ab Academiæ tuendæ atque ornandæ consilio deterrebit.

Ut dicam autem liberè quod sentiam, quocunque nosmet vertamus, difficultatibus undique premi, periculisque planè obsessi esse videmur. Nonnulli dum Gradus Academicos conferendi facultatem à nobis quidem haud auferre præ se ferant; nobiscum tamen partiri, atque in commune frui sibi vendicant; Gradus, inquam, non tam nomine, quàm re & naturâ suâ verè Academicos; in mediis scilicet Academiis
natos

D E D I C A T I O.

natos, ipsarumque omnino causâ inventos atque excogitados; ut quibus in locis Doctrinæ potissimum studia florerent, in iis Doctrina etiam ipsa cum dignitate aliqua, & insignibus quibusdam honesta esset. Alii interea, Doctores creandi jus nobis licet integrum permittant; de Doctoratu tamen dejicere, de Senatu nostro deturbare, suo nisi arbitrato & consensu haud patiuntur; rerumque adeo Academicarum Cognitionem & Judicium ad Forum prorsus alienum, atque externum avocant: Quorum conatus ni repellere tandem ac propulsare valuerimus, lethale quoddam vulnus huic nostræ Academiæ infligatur necesse est.

Nil autem Te Duce desperandum est; nil nisi lætum, faustumque nobis augurari fas est: præclara enim Vox illa Tua, Te Academiæ causâ carcerem; Te vincla lubenter subiturum; quantam excitaverit in bonis omnibus fortitudinem, quantam spem, quantum Tui amorem? Quippè Tu ad Rempublicam nostram ex eo jam accedis Collegio, quod Singularia sua Privilegia singulari semper vigilantia conservavit, constantia defendit; quodque Præfecti sibi eligendi jus, à jactis usque mœnium suorum fundamentis concessum simul & abreptum summâ suâ fortitudine recuperavit, atque è Regiis pœnè manibus extorsit; Virtutisque suæ fructus, Te tandem Præsides, jam uberrimos percipit: Tu, inquam, iis moribus, eâ disciplinâ institutus, quæ exoleta revocare, quæ vel amissa recuperare noverit; quidni

DEDICATIO.

quidni nostra facile jura omnia tueare; jura scilicet, à primis rerum nostrarum initiis concessa; perpetuo usu confirmata; legibus Angliæ munita?

In nebulosâ itaque hacce Cæli nostri facie, Academicæ tamen serîdò gratulandum est, talem ei obtigisse Gubernatorem, qui tempestates omnes noverit seu peritè declinare, seu prudenter moderari, seu fortiter resistere: neque Tibi ipsi, Vir Reverende, gratulari etiam minùs liceat, Magistratum Tuum in ea incidisse tempora, quæ tantos tibi gloriæ atque laudis, quantos nobis ex Tuâ vigilantia felicitatis fructus allatura sint; quæ scilicet Te totum, qualis sis, patefacient; virtutes tuas omnes exproment, atque in lucem proferent; ut admirentur nobiscum omnes necesse sit summam illam Tuam in rebus nostris defendendis Fortitudinem, in administrandis Prudentiam, in emendandis Virtutem.

Si quid verò adversi nobis evenerit; si nonnullorum tandem invidiæ, temporibusque cedere cogamur; una restat adhuc damna nobis resarciendi, & vulnera sanandi via: dum Alii scilicet in nos & studia nostra inquirere, dum mores nostros ad examen revocare, atque in judicium sistere minentur; Nos ipsi potiùs in nosmet sedulò inquiramus; Nobismet ipsis Censores, nobismet Judices simus; Statutis nostris religiosè insistendo pios, probos, severos; Studiis diligenter incumbendo doctos, eruditos, claros nosmet efficiamus:

DEDICATIO.

efficiamus: Alii honoris Titulos, Doctoratumque ipsum artibus haudquaquam Academicis foràs sibi quærant; Nos non nisi Liberali Doctrinæ, Probatæ Industriæ, Spectatæ Fidei honores nostros deferamus: Alii Ecclesiæ Beneficia, Dignitatesque occupent; Nos mereamur: Alii virtutis præmia, nos virtutem tamen teneamus: hisce armis, atque hac innocentia nostrâ muniti inimicorum facile impetus repellemus, vires frangemus; Maledicis silentium, Malevolis pudorem offendemus.

Hæ Tibi, Vir Amplissime, gubernandi erunt artes; hæc Tui Magistratûs laus & gloria; hanc Majorum disciplinam, hos antiquos mores Autoritate Tuâ restituere; Exemplo confirmare; Decretis stabilire. Vale.

BIBLIO-



BIBLIOTHECÆ
CANTABRIGIENSIS
ORDINANDÆ
METHODUS.

POSTQUAM Senatui Academico *novum Proto-Bibliothecarii munus* eodem decreto instituere simul & ad me deferre visum est; nè collati temerè beneficii infamiam *Gravissimo Ordini* inurerem, statui illicò omni studio, operâ, viribusque meis eniti, ut tam honorifico vitæ meæ, studiorumque testimonio aliquatenùs responderem, & tanto hoc, tamque insperato prorsùs honore memet haud indignum præstarem; utque omnibus præterea ostenderem, munus ipsum non *mei solius*, sed *Bibliothecæ* omninò causâ, non (quod susurrari audiebam) pro *gratiâ*, quâ in Academia florui, sed pro *rei ipsius necessitate* esse institutum: quùm igitur ex *præsenti Bibliothecæ Publicæ statu* otii mihi aliquid temporisque dari viderem, id statim arripui, atque ad ea penitùs studia contuli, quæ *Bibliothecarii*

B

thecarii propria existimantur, quæque in *ipsius Bibliotheca* fructum redundare aliquando poterint. *Surgentia* vero jam *Theatri mania* quàm libros versandi, utendique spem haud longinquam præbere videantur; nè in me negligentia aliquid aut moræ crimen resideret; quicquid mihi *de re Bibliothecaria* cogitanti unquam vel legenti occurrerat, scriptis mandandum, cumque amicis communicandum duxi, ut aliquid indè in publica Academia commoda decerpi forsitan possit; utque rebus iis omnibus, quæ ad *Bibliotheca instructionem, ornatumque* pertineant, maturè perpensis atque accuratè constitutis, Bibliothecarii sese alacres præscripta ad munia accingerent, neque loca *libris excipiendis* paratiora, quàm *eis occupandis* libri reperirentur: etenim dum tanto apparatu, tantisque sumptibus honesta libris domicilia, dignæque sedes exstruantur, turpe planè esset si hisce Academia studiis *Bibliothecarii* minùs responderent, avidisque bonorum omnium votis motæ aliquid à se interjici paterentur.

IN hisce verò, quæ de *Bibliotheca ordinanda ratione* disputaturus sim, etsi nihil novi aut eximii esse satis scio, spero tamen admoneri indè atque excitari posse eruditos, ut Studiorum & cogitationum partem aliquam huc conferant, & si quid in hoc genere consilii habeant, id candidè & liberè impertiant: cùm enim *ex egregiâ Regis liberalitate* tanta Bibliothecæ nostræ facta sit accessio, ut alias ubique omnes (quarum Indices scilicet impressos viderim) cum librorum *numero*, tùm *præstantiâ, delectuque* facile superet, illam certè omnibus numeris absolutam, omnibus modis ornatam, illustremque efficere debemus, ut huic tandem Academia non minùs apud externos gloriæ, quàm domi fructus afferre valeat.

QUÆ verò dicenda sint ut faciliùs clariùsque intelligantur, *Schema quoddam* adjunxi, interiorem Bibliothecæ formam (qualis absolutâ tandem ædificatione futura sit) etsi

etsi minùs forsàn exactè, ad rem tamen nostram satis aptè referens.

COMPARATA itaque quùm nobis sit tanta librorum omnium supellex; quod jam proximum est, eos *collocandi, disponendique* methodus aliqua excogitanda est, quâ in *justam, pulchramque Bibliothecam* exstrui ac ædificari possint: librorum enim quantuscunque numerus *sine ordine* congestus haud magis *Bibliotheca*, quam *lapidum illa* ad nos advektorum moles *Theatri* nomen mereatur, donec *arte quâdam & certo ordine* dispositi perfectam tandem structuram efficiant: *artem* verò *illam Aristoteles* invenisse, *Regesque Ægyptios* primus docuisse fertur *; Quo scilicet magistro *immensam illam Bibliothecam* & in toto terrarum Orbe celeberrimam instruxerunt: ab illo utique Authore *Bibliothecarii Ordinis inventio* requiri quasi de jure poterat, cujus unius Scripta (ut Hieronymus de Origene postea tradidit) *Bibliothecam vel implere* valuerint: libros etenim *idoneè collocare* majoris esse prudentiæ videtur, quam *congerere*; hoc enim solius *pecunia*, illud non nisi *ingenii* vi perficitur; hoc *divitem* tantùm, illud *doctum* postulat; Quodque *Plinius* † de orationis structurâ dixit, ad librorum etiam structuram æquè pertinet: *invenire præclarè interdum etiam barbari solent, disponere aptè nisi eruditis negatum est*: neque minus proptereà *Aristoteli* debere videantur *Bibliotheca*, quam *Alexander ille magnus*; quem dicere solitum accepimus, *Se à Philippo Patre Corpus tantum habuisse, ab Aristotele animum* —. Non opus est singula percurrere, quæ de *Bibliotheca instruenda ratione* à Viris doctis commemorata unquam ac tradita fuerint; sufficit enim dicere, librorum *juxta facultates*, ut aiunt, *dispositionem*, seu *Ordinem* quem *Classicum* vocamus, ex omnibus mihi unicè placere. Etenim *Ordo* cùm nihil aliud sit, quàm rei uniuscujusque *in suo*

* Strabo l. 13.

† l. 3. 13.

*loco collocatio, quid aptius aut perfectius excogitari potest, quàm hujusmodi librorum distributio, quâ scilicet in Classibus propriis, haud secus ac in familiis, is singulis assignetur locus, qui ætati, dignati, & muneris rationi maximè convenit? & quùm in animis hominum erudiendis librorum omnis usus versetur; iste certè ordo præponendus omnibus est, qui huic potissimum fini accommodetur; qui scilicet eruditionis aliquid in se non contineat modò, sed doceat; quemque vel intuendo doctiores evadere valeamus: ex hâc enim librorum collocatione Disciplinarum omnium mutuam inter se connexionem; ex hac scientiarum ortus, incrementa, varios casus, interitus, instaurationes; ex hac, inquam, historiam quandam literariam à primis retrò seculis, ad nostra usque tempora deductam solâ ferè Ordinis contemplatione colligere & perdiscere liceat: quodque Cicero * de Ordine generatim posuit, de hoc præcipuè Bibliothecario Ordine verissimum est; memoriæ scilicet eum quam maximè lumen asferre; atque ad libros itidè transferre liceat, quod de sententiis, verbisque Oratoriis idem ille summus Magister docuit: illis † scilicet nec fructum nec splendorem inesse nisi diligentèr collocatis: hinc præterea Authorum in quâvis disciplinâ Principum facilis notitia, facilisque ad eos aditus patet, quibus semel comparatis, dimidium certe viæ, laborisque in omni studiorum genere confici videtur, τὸ δὲ μανθάνειν ῥαδίως ἢ δὲ φύσει πᾶσι ἐστὶν ‡. hæc itaque tot, tantaque nullo sanè labore; atque uno quasi temporis momento ediscere jucundissimum sit oportet. De hujus autem Ordinis ratione atque instituendi methodo pluribus deinceps agam, ejusque imaginem quandam, seu tabellam ut potero adumbrare conabor.*

NOLLEM tamen tam *superstitiosam* institui librorum in *proprias Classes* distributionem, quin illorum *formæ*

* de Orat. l. 2.

† Orator.

‡ Aristot.

simul & *magnitudinis* ratio aliqua sit habenda: in *librarie* enim supellectilis, haud secus ac *domestica* dispositione, etsi *usus* præcipuè spectari, nonnihil tamen *elegantie* etiam tribui debet: librorum autem *maximè inæqualium* conjunctio, tanquam *Gigantis* cum *Pumilione* commissio, deformis planè videtur, & aspectu ridicula. quum verò *Bibliotheca nostra foruli* per *sex* quasi *tabulata*, variis voluminum formis accommodata, *duabus* hinc indè *alis* in altum sint exstructi; hujusmodi omnis offensio vitari faciliè poterit, si ejusdem facultatis, diversæ tamen magnitudinis libri per *varios hosce forulos* pro inæqualitatis ratione distribuantur.

FORULORUM autem (quoniam mentio jam inciderit) *divisionem* immutari paululum vellem: etenim cum *unica* jam illorum *ala* (adjunctis eis, qui sub fenestris positi sunt) *distinctum quoddam Corpus*, seu *Armarium* conficiat, quod *Classẽm* improprie nominamus, & majusculâ aliquâ Alphabeti literâ distinguimus; dum ejusdem areae *pars altera*, seu forulorum *ala opposita* ad *aliam* omninò *Classẽm* pertineat (ut a. b. c. d.) vitandæ jam confusionis gratiâ, quam ista sæpè peperit distributio, vellem fanè, ut *tota illa area*, quæ (ad formam literæ H dimidiatæ) *forulis* sub fenestrâ positis, *duabusque hinc indè alis* constet, *unicam* tantum *Classẽm* conficiat, *unicâ* Alphabeti *literâ* distinguendam; utque idem forulorum numerus & forma ex adversâ Conclavis parte literâ Alphabeti proximâ designentur (ut A. B. C. D.) quosque ejusdem argumenti libros A continere nequeat, B. excipiat. Quoniam denique librorum novorum accessione crescat indies, augeaturque Bibliotheca necesse sit; ut nulla inde Ordinis perturbatio consequatur, locum aliquem libris istis adventitiis, sive emptis, sive dono acceptis dicatum velim, ubi reponi aliquandiù, & singulis demùm annis, seu sex mensibus in Catalogum adscribi, & in Classes suas distribui possint: quibusque tandem recipiendis *spatii aliquid* in singulis librorum *forulis vacuum* relinqui conveniat.

HÆC

HÆC vero ut rectè omnia instituamus, *commisceantur* omninò oportet *Utriusque Bibliothecæ* (*Regiæ* scilicet & *veteris*) libri: harum enim *perpetua disjunctio* magnam certè confusionem & multa incommoda pareret; librique indè minùs cùm *ad usum promptè*, tùm *ad aspectum venustè* disponderentur, in quibus omnis Bibliothecarum laus, utilitasque consistere videntur; atque *ejusdem* non solùm *facultatis*, *ejusdemque Authoris* libri, sed *ejusdem* etiam libri *partes* ex variis, *dislitisque* hinc indè locis quærendi sæpe colligendique essent: ipsiusque adeo Bibliothecæ splendor, dignitasque diminuerentur, quæ *distractis*, *disjunctisque* copiis minùs sanè illustris, minusque veneranda appareret; collectis autem in unum viribus eruditos omnes admiratione quâdam commoveret, dnm incredibiles ejus in omni genere literarum opes *explicitis ordinibus* & *continua serie* exhibitæ intuerentur. Siqui vero existiment libros omnes à *Serenissimo Rege* donatos ob celebriorem rei memoriam (quam sanè & *omni laude dignam* judico & *sempiternam fore* spero) *sejungi* semper à reliquis, *separatimque custodiri* oportete; recordentur velim, huic aliunde satis esse provisum, ex *annua* scilicet *solemnique Benefactorum nostrorum commemoratione*, quâ cautum est ab Academia, ut grata tam insignis beneficii celebratio omni posteritati commendetur, ipso semper voluminum *numero* & *pretio* simul commemoratis: sin majorem adhuc diligentiam curamque postulare res tanta videatur, singula prætereà volumina *gentilitiis Armorum Regionum insignibus* ornari atque à cæteris distingui possint: ineptum autem ridendumque planè effet, si libros hosce ad literarum studia promovenda liberè & absque ullâ conditione datos, iniquis ipsimet conditionibus, regulisque usui, cui dicati erant, minimè accommodis subjiceremus.

VIDEMUS autem in Schemate adjuncto *locæ quædam quadrata*, (1. 2. 3.) quæ *quatuor illa Bibliothecæ conclavia*

clavia connectunt inter se, communiaque & pervia red-
dunt: hæc, si quærat, quibus usibus destinari, qualique
supellectile instrui velim; vix habeo quod respondeam;
illorum nempe forma & sitûs ratio efficiunt, ut neque
in eadem Armaria, ac reliqua Bibliotheca, dividi omni-
nò, neque Disciplinæ alicujus libris præcipuè conservan-
dis disponi commodè possint: rem verò attentius con-
sideranti aptissima tandem visa sunt rebus eis omnibus
excipiendis, quæ *elegantia* magis sint quàm *necessaria*,
quæque ad *speciem* potius, quàm *utilitatem* Bibliothecæ
pertineant: *Tabulas* velim *pictas*, *Signa*, *Statuas* *Græcorum*
Veterum & *Romanorum*; *Benefactorum* etiàm *Doctorumque*
omnium, qui Academiam famâ, scriptisque suis illustra-
verint, quotquot comparari poterint *imagines*.

STABUNT olim hoc in loco *Illustres illi Viri*, quorum præ-
sidio *Musæ* jam nostræ efflorescunt, quorumque munificen-
tiâ mœnia nostra surgunt: stabit hic, inquam, *Marmo-*
reus, *Comes Ille noster Anglesensis*, (mihi sanè omnibus offi-
ciis prosequendus, laudibus celebrandus) cujus nomen huic
nostræ *Cantabrigiæ* splendori semper decorique erit; quam
summâ jam benevolentia fovet, beneficiis auget, moribus
ornat: cui si propter merita in *Almam Matrem* (quæ
maxima tamen extant) honos iste minùs deberetur; at in-
genium acre, at doctrina, quâ præditus est, eximia in hoc
certè *Musarum sacrario* præcipuum ei locum vendicaret.

Hoc autem genus etsi *speciosum* magis, ut dictum est,
quam *utile* censi soleat, ad *eruditionem* tamen haud pa-
rùm valere, *Historiæque* potissimum inservire videtur; dum
quæ in libris passim memorantur, quæque ex omni anti-
quitate præclare gesta legimus, memoriæ facile suggerat,
oculisque quasi subjiciat: atque hac propterea *supellectile*
omnes omnium gentium eruditi *Bibliothecas suas* ornare
atque instruere consueverint; æquum scilicet existimantes
& rationi quàm maximè congruens, quibus in locis
immortales doctorum animæ perpetuò loquantur, in iis
etiam *Corporum simulacra* quædam fingi atque asservari
debere:

debere: Εγὼ δὲ, ὦ Νικόκλεις, ἠγοῦμαι μὲν εἶναι καλὰ μνημεῖα
 καὶ τὰς τῶν σωμάτων εἰκόνας. Isocrat. Ciceronem autem ho-
 rum omnium *summopere studiosum* fuisse plurimæ ejus
 epistolæ demonstrant. Scribens enim ad Atticum Athe-
 nis commorantem. ^a *Hermæ tui Pentelici inquit, jam nunc
 me admodum delectant, quare velim & eos & signa quàm
 plurima, quàm primumque mittas, maxime quæ tibi gymna-
 siii, Xystique videbuntur esse, nam in eo genere sic studio ef-
 ferimur, ut abs te adjuvandi, ab aliis propè reprehendendi
 simus.* Et rursus, ^b *Signa Megarica, & Hermas vehemen-
 ter expecto, quicquid ejusdem generis habebis dignum Aca-
 demiâ quod tibi videbitur, ne dubitaris mittere, & arcæ no-
 stræ confidito.* Arcam vero illam exhaustisse tandem, atque
 ex avidâ horum coemptione in ære planè alieno ^c fuisse
 videtur. Sed vix unquam apud optimos Romæ veteris
 scriptores *Bibliotheca alicujus illustris* mentio incidat,
 quin & *Statuas & imagines* ibi dicatas commemorari
 simul inveniamus: ut Suetonius de Tiberio: ^d *Scripta eorum,
 inquit, & imagines publicis Bibliothecis dedicavit.* Et Plinius
 de Silii Italici villâ: ^e *multum ubique librorum, multum
 statuarum, multum Imaginum.* Hæc igitur Bibliothecarum
 omnium tam *propria*, atque his præcipuè locis *tam apta*
 esse ornamenta videntur, ut sine Academia dedecore
 quodam & reprehensione desiderari planè nequeant.
 Hic insuper, si videbitur, *antiqua Numismata, Sigilla,
 annuli* & quicquid vel *naturæ* vel *artis rarum* habeatur,
 in loculamentis, nidulisque aptè dispositis condi omnia
 & reponi possint. Hæc denique loca *sellis, mensis, re-
 busque* aliis omnibus instructa vellem, quæ doctorum
 hominum *congressus* ibi & *colloquia* quam maximè pro-
 vocent, qui virorum ex omni gente ac ætate principum
coronâ quâdam cincti, locique *reverentiâ* permoti nihil
abjectum aut *humile* cogitare audebunt, sed *emulatione*
 potiùs accensi Veterum Illorum gloriam scriptis factisque

^a L. 1. Ep. 8.
^e L. 3. Ep. 13.

^b Ibid. Ep. 9.

^c Ad Fam. l. 7. 27.

^d c. 79.

exæquare conabuntur: *locorum enim adiutorius*, inquit Cicero, * *acrius & attentius de claris viris cogitare solemus*. Rogandi igitur, atque omnibus modis exorandi sunt viri ubique eruditi, qui literarum Studiis, atque huic præcipuè Academiae favcant, ut huiuscemodi aliquid ex Musæis suis ad Bibliothecæ Publicæ ornatum & splendorem conferant; cuius beneficii memoriam quibus, par est, gratiis celebrandam atque omni posteritati tradendam curabimus.

CONCLAVE autem illud, quod à cæteris sejungi, atque ultra reliqua ædificii latera *Caii versùs* in longum excurrere videmus, *librorum MSS Bibliotheca sit*, focoque iis ab humore noxio conservandis apto instructum: quod cum quinquaginta circiter pedes longum & viginti septem latum sit, huic usui accommodum satis videtur: in hoc etiam (Bibliothecæ utpote vestibulo proximum) Bibliothecarii quotidiano munere fungentes, sese recipere, advenas expectare, omnibusque Bibliothecæ occasionibus præstò esse possint: Sin autem MSS Codicum receptui ob lucis inopiam, alianive quamlibet causam minùs tandem aptum reperiatur, ii tùm in iisdem armariis, ac libri impressi, reponi commodè possint, *valvulis* autem *clavibusque* (ut apud *Trinitonienses*) à vulgari usu seclusi & in tuto collocati.

LIBRIS verò pulchro tandem Ordine dispositis, sequitur jam *Catalogi conficiendi* cura, res sanè magni momenti, multique sudoris; non temerè enim cum atque oscitanter institui, (quotidianorum Catalogorum ad instar, ubi multa omiſsa, & confusa omnia videamus) sed diligenter & accuratè describi velim; ut *Bibliothecâ illâ*, cuius notitiam sit exhibiturus, dignus planè reperiatur: in *Catalogo* autem *rectè instituto* uniuscujusque libri *historicam quandam* requirimus, quæ singula ad eum dignoscendum atque à cæteris omnibus distinguendum necessaria quàm breviter, quàmque dilucidè exponat; undè præter

* De fin. l. 5.

*Authoris, Editoris, Interpretis nomina, uno simul intuitu pateat, de quo argumento & quâ linguâ fuerit scriptus, quo loco, anno, quaque voluminis formâ impressus: addito prætereà (ut nonnullis placet) quo Typographo, quo Characteris genere, quotâque editione prodierit. Catalogi construendi methodum quod attinet, Ordo librorum Classicus, Authorumque Alphabeticus mihi longè commodissimi videntur; ad perfecti verò Catalogi constructionem ambobus certè conjunctis opus est: illo scilicet, ut usibus, quos supra attigi, inseruiat; hoc, ut libri, quem quærimus, Classẽm, locumque demonstret; in quo usus ejus præcipuè consistere videtur: illo, inquam, ut illustris, perfectæque Bibliothecæ eleganti Ordine dispositæ ideam pulchram exhibeat; hoc, ut Indicis illi officium præstet. Hujusmodi igitur duplicem Catalogum non describi modò, sed in publica literarum commoda Typis etiam mandari vellem, ut locupletissimæ Bibliothecæ fructus cum viris omnium gentium eruditis candidè & ingenuè communicemus: insignium enim Catalogorum editiones maximum Orbi literato emolumentum, maximum literarum studiis incitandis, promovendis, perficiendis adjumentum afferunt; omnisque ex hisce sanè fontibus haurienda est rei librariæ notitia; quam, à nostris nimis etsi neglectam, haud in infimo tamen cruditionis gradu ponendam arbitror: scire enim (ut doctus quidam * monuit) ubi aliquid possis invenire, magna pars eruditionis est.*

CATALOGORUM autèm idem planè munus est in Republicâ literariâ, quod in Romanâ fuit olim *Nomenclatorum*; indicant enim *Doctrinæ Candidatis* nomina illorum, quos *prensare*, quos *colere*, quorumque ope *uti* oporteat, ut honores, quos ambiunt, consequi possint: quàmque propterea jucundæ, quàm doctis omnibus desideratissimæ illorum prodeant impressiones, eruditorum ubique scripta, epistolæque abundè testantur. *Nescio* (inquit † *Conringius*)

* Schultetus delic. Evang.

† De Bibliothecâ Augus. p. 5.

quã arcanã voluptate vel soli tituli librorum mulceant ingenuos quosque φιλομαθῆς animos. Et Jos. Scaliger ad Gruterum ^a: Indicem Bibliothecæ vestræ sedulò legi; locupletior est, & meliorum librorum quam Vaticana; itaque voluptati fuit legisse. Horum igitur plures sanè impressos videremus, nì sumptus, laborque in iis edendis pæne infinitus obstarent: etenim hoc siquis vulgare quiddam, effectū facile, nec multæ industriæ opus existimaverit; hospes planè *in re librariâ* sit oportet, nec in hujus generis Authoribus versatus; qui uno omnes ore, summam rei difficultatem prædicant. Mich. Mattaire, Vir sane doctissimus, auctorque gravissimus: Quisquis, inquit, ^b hujusmodi operis satagerit, ei non tantum multum tædii & laboris devorandum, pertinax adhibenda industria, sed minimè vulgaris conferenda ad hoc propositum in evolvendis libris, iisque (quotquot huc spectant) omnibus examinandis exercitatio. Frustra id aggrediuntur, qui titulo tenus duntaxat sapiunt &c. Author Systematis Bibliothecæ Jesuiticæ Parisiensis, Catalogum, inquit, tam numerosum typis edere, infiniti est laboris, immodicæque impensæ: hisque se à Catalogi editione deterritum fuisse innuit. Conringius itidem ^c Indicis Bibliothecæ Augustæ deponendam omninò expectationem monet, tanquàm rem effectū non difficillimam duntaxat sed impossibilem. Tho. Hyde Bibliothecæ Bodleianæ Præfectus in Catalogi istius editione se novennium integrum non sine summâ industriâ contrivisse profitetur; qui tamen Alphabeticè tantum constructus est, dimidiamque librorum nostrorum partem haud multum exuperat: post novennales autem hosce labores negligentiae tandem reprehensionem Vir doctus effugere nequit, quasi opus quoddam imperfectum & minus utile ediderat, propter omissum scilicet, quem diximus, *Classicum* librorum Catalogum. Bailletus enim (eruditus & ille quidè Bibliothecarius) illa ipsa, inquit, ^d quæ Thomæ Hyde arrisit methodus, ut ad studiorum

^a De Biblioth. Heidelberg.

^b Præf. Annal. Typogr. Vol. 2.

^c Ibid. p. 43.

^d Præf. Biblioth. Lamonianæ.

utilitatem minùs necessaria, ita nec sola debuit adesse, sed posterior, cui priorum argumentorum sive rerum Ordinem, utpotè longè utiliore premitti oportere nemo non intelligit: hæc oportuit facere & illa non omittere,

IN libris porrò *evolvendis*, ac in *proprias Classes* distribuendis, ii omnes notari & colligi à Bibliothecariis debent quorum *bina* vel *plura* occurrant *ejusdem editionis Exemplaria*; quibus scilicet venditis demùm aut commutatis, alii facilè omnes, quos in disciplinâ aliquâ maximè desideremus, pecuniâ indè confectâ comparari, Bibliothecæ defectus suppleri, Catalogusque adeò auctior & perfectior fieri possit. In hoc verò toto opere perficiendo me nullam unquam laboris partem, quam mei ferre humeri valeant, declinaturum polliceor: quod de *Bibliothecario* itidem *altero, viro quidem industrio* confirmare ausim: mihi tamen deplorata planè tota res esset, utpotè *utriusque longè vires* exuperans; nisi in eâ essemus *Acemiâ*, in quâ prompta nobis parataque sint tanta doctorum hominum auxilia; quos ad oneris hujusce societatem & partitionem quandam advocatos strenuè nos consilio, studio, operâ adjuturos esse confido.

CONSUECUDINEM illam quod attinet, libros impressos & *Bibliothecâ Publicâ* promendi, atque ad cubacula sua asportandi, à quibusdam reprehensam quidem, integram tamen Academicis conservari vellem; utpotè Bibliothecarum institutioni imprimis consentaneam, studiorumque rationi longè commodissimam; quæ à publicis semper locis abhorrent, atque otium & secessum omninò requirunt: librique hoc modo non nisi *fœnori dati* magnas sæpe Bibliothecæ præstant *usuras*, novorumque librorum fructum ei quendam & incrementum haud rarò pariunt: ex hac verò librorum promendorum facultate nonnullos omninò eximi oportet, qui privati nequaquàm usus esse, sed communes omnibus in Bibliothecâ perpetuò servari debent: ut *Dictionaria, Indices, Repertoria, Bibliotheca Authorum seu Facultatum, Thesauri Antiquitatum,*
Rymeri

Rymeri Fœdera, Biblia etiam Polyglotta, &c. totumque illud genus, quod prout studiorum ratio postulet, consulere potius quàm perlegere opus sit: libros denique à Studio-
sis ita desumptos *legibus* ad hanc rem constitutis prorsus subjici, atque ad *certum, definitumque tempus* restitui necesse est, ut videre tandem poterint *Bibliothecarii*, nequid indè damni capiat Bibliotheca. *Manuscriptorum autem Codicum* alia planè ratio est, omnesque, quos noverim, Bibliothecarum Instructores quàm diligentissimè eos custodiri & vix ultra ipsos *Bibliotheca limites* evagari debere censuerunt; judicantes scilicet, idque quidè sapienter, *pretiosissima hacce Bibliothecarum suarum ornamenta*, quàm rarissimè desiderari atque abesse oportere; quorumque damnum refarciri nullo modo & compensari possit, quàm paucissimis jacturæ casibus committi debere: hosce igitur libros etsi gravissimâ de causâ è *Bibliotheca manibus* exire nonnunquàm paterer, nequaquàm tamen abesse diutiùs, quàm ipsa utendi causa & necessitas plane postularent: atque hæc *Codicum Manuscriptorum lex* à Majoribus accepta in hac nostrâ *Academiâ inviolata* semper obtinuit.

QUIDAM tamen apud nos, *viginti ferè Codices MSS* è *Bibliothecâ publicâ domum* sibi transtulit; quorum aliquos *undecim*, alios *octo*, omnes autem *quinque ad minimum annos* sibi quasi proprios servavit; atque inter alios celeberrimum illud *Evangeliorum Exemplar*, quod à *doctissimo Beza* dono olim acceperat Academia; maximum plane *Bibliothecæ nostræ lumen*, clarissimumque *summæ vetustatis monumentum*; quodque *Advenæ, Curiosique* omnes unice fermè omnium videre & versare cupiunt: ejus tamen *septem jam circiter annos* non modò non utendi, sed nè *conspiciendi* quidem, nisi impetratâ priùs à *Viro bono* veniâ, copiam habuit Academia: etenim cogitat *Vir modestus* aliis demùm omnibus persuadere, quod sibi jam diù habet persuasissimum, se *unum* esse in hac *Academiâ*, qui *Manuscriptos libros* evolvere dignus haberi mereatur.

Huncce

Huncce verò *Beza Codicem*, postquàm repetitis nuntiis revocare frustrà laborassem, ad Bibliothecam tandem paucis ante diebus, unà cum reliquis illis suprà memoratis, remittere dignatus est. Ex *Bibliothecâ autem Eliensi* (quam dono verè *Regio* jàm possidet *Academia*) libros itidem haud paucos, cùm *Manuscriptos*, tùm *perantiquarum* quosdam *Editionum* & melioris notæ impressos mutuò illum olim accepissè comperio; de quibus post tot annos restituendis *monitus* jam tandem cogitet velim, ne *per Judicem* illos me repetere cogat; etenim si hujusmodi libros *sine veniâ*, aut *cautione legitimâ* tam diù apud se detinere sibi *haud inhonestum* putet, at mihi certè esset, si paterer.

NON mei jam instituti est ad minutias illas, nugasque descendere, quibus tam putidè commorari saepe soleant *Bibliothecariæ rei* scriptores; regulas scilicet *Bibliothecæ reverendæ* præscribendas, librorumque à pulvere & sordibus purgandorum præceptiones: hujusmodi etenim omnia *Ufus*, *Sensusque communis* expedire satis aptè & docere valeant: reliquum solum est, ut *Ordinis istius Classici* quem in librorum collocatione observandum omninò censeo, *tabellam quandam* seu *synopsim* exhibeam in varia *Capita* & *Titulos* pro rerum & argumentorum varietate distinctam. Nonnulli hujusce Artis Doctores, dum facilem, simplicemque quam maximè (naturæ quasi consentaneam) affectent viam; ob sectionum, titulorumque paucitatem *perturbata* omnia, *vaga*, *minùsque distincta* relinquunt: alii intereà dum artem præcipuè ostentare, ac *elaboratam quandam Ordinis rationem* instituere cogitent, confusionem illam, quam tollere præ se ferunt, nimia divisionum subtilitate & multiplicatione pariunt: hæc duo vitia, quantum potui, vitare studui; collatisque inter se *haud paucis præstantissimarum Bibliothecarum Catalogis*, quicquid mihi rectè in aliquo positum videbatur, transtuli statim & decerpsi; quod autem in omnibus desiderari adhuc putabam, id pro meo ingenio explere, & perficere sum conatus:

natus: neque tamen stultus adeò sum laborum meorum aestimator, ut tam feliciter me omnia putem assecutum, ut nullus aliorum in hac causâ studiis, nullus *δευτέγαις*, ut aiunt, *Φροντισί* locus sit relictus; fateor enim hisce me in literis *parùm versatum*, novitiumque plane esse; nihilque in animo habuisse antiquius, quàm ut aliis perfectius aliquid, & ad rem nostram accommodatius exco- gitandi ansam præberem; quod si fuero unquam conse- quutus, maximum me laboris mei fructum percepisse arbitror.



IN sequenti hacce *Librarii Ordinis* tabellâ *Jus Canonici* à *Civili*, *Historiamque* itidem *sacram* à *Profanâ* sècernendam duxi, ut quicquid ad *Theologiam*, remque omninò *Ecclesiasticam* pertineret, perpetuâ serie con- nexum sub uno aspectu caderet, unumque Corpus con- ficeret: *Historiæ* autem *Sacræ Profanæ* proximè subjeci, quippè etsi rerum, quas tractent, diversitate satis inter se distinguantur, ejusdem tamen quùm generis sint, haud locorum intervallo ab invicem sejungi debeant.

SINGULARUM *Nationum Historiis* subjungendos omninò censui *Antiquitatum*, *Inscriptionum*, *Numismatum* libros, *vitasque* Hominum in *unaquâque* illustrium; quæ propter argumenti affinitatem ad generalem Regni cujusvis Hi- storiam explanandam & perficiendam quam plurimùm valent.

GEOGRAPHIAM, contrà ac plerique soleant, ad *finem Historiæ Classis* rejeci, *Historiæ* quasi Appendicem, eique illustrandæ, atque animo infingendæ potissimùm inservi- entem; quam vero ipsam per se, nisi *degustatâ prius Hi- storiâ* sive sacrâ, sive profanâ, haud cum voluptate, aut fructu aliquo attingere possumus.

DICTIO-

DICTIONARIA & Lexica in singulas Facultates, seu Classēs, ad quas pertinent, singula distribui, ut Lexica Medica in Medicinam; Historica in Historiam &c. quod commodius longè, & ad usum aptius judicavi, quàm si tam varii, tamque diversi prorsus argumenti libros, qui nihil præter nomen inter se commune habeant, in unum Lexicographorum titulum omnes coniecissē.

GRAMMATICIS & Linguarum Lexicis extremum inter literas humaniores locum assignavi; utpotè quæ non nisi ex prius editis Oratorum, Poetarum, &c. libris confecta penitus & collecta fuerint: nihil enim est, quod Natura non primum invenerit; Ars deindè rei inventæ disciplinam quandam, regulasque effinxerit.

SINGULORUM Authorum opera utcunque varia & Miscellanea, in unum collecta, simulque edita, nequaquam ab invicem distrahi vellem; omnia verò præcipue atque illustrioris alicujus partis (quâ ipse maxime Author dignoscitur & celebratur) sortem & partitionem sequi debent: ut Ciceronis opera omnia in Oratoribus; Plutarchi in Biographis annumerentur.

QUÆ vero tam singularis, tamque inusitati sint argumenti; quæve tantam variorum, volantiumque, ut aiunt, tractatum collectionem & farraginem complectentur, ut in certam aliquam Classē haud facile reduci queant; in unum omnia collecta Classē quandam Miscellaneam in extremâ Bibliothecæ parte conficiant.

THEOLOGIA.

BIBLIA.

Polyglotta. Partesque Bibliorum polyglottæ.

Hebraica itidem, aliarumque linguar. Orient. separatim.

Græca.

Latina.

In linguas vulgares translata.

Novum Testamentum, ejusque Partes.

Concordantiæ, Lexica, Indices, Phrases, Sententiæ Biblicæ, &c.

BIBLIORUM EXPLANATORES.

Æritici, qui varias lectiones, emendationes, seu de Interpretationibus, Interpretibus, & libris Canonicis scripserunt.

Glossatores, Scholiastæ, Paraphrastæ, Catenarum effectores.

Commentatores in Utrumque simul Testamentum in Vetus solum ejusque partes in Novum ejusque partes.

Rabbinorum Commentarii, Quique de rebus Judaicis scripserunt.

PATRES GRÆCI & LATINI.

Patres, Theologice Græci temporis Ordine dispositi; atque Illorum deinde tractatus quorum tempora incerta.

Patres Latini ad finem 12^{mi} seculi, quo nata est Schola; Scriptoresque itidem quorum tempora incerta.

Collectiones, Bibliothecæ, Thesauri, Auctaria, Anti-quæ lectiones, Spicilegia, Dogmata, Sententiæ Patrum.

THEOLOGIA SCHOLASTICA.

Hujus Scriptores temporis ordine dispositi.

THEOLOGIA MORALIS.

Hujus Scriptores eodem ordine.

Casuum Conscientiæ Scriptores.

THEOLOGIA MYSTICA sive ASCETICA.

Qui de praxi virtutum in genere, & totâ vitâ Spirituali scribunt; deinde qui de singulis virtutibus.

Qui variis ætatis gradibus, aut vitæ conditionibus regulas præscribunt; ut Pueris, Adolescentibus. &c. Princip. Episcop. Conjugib. Virg. &c.

Qui de cultu Dei & Divinarum Trinitatis Personarum.

Qui de cultu Virginis, Angelorum, Sanctorum.

THEOLOGIA CONCIONATORIA.

Qui artem docent, quique materiam subministrant ex Scripturâ, Patribus.

Qui conciones scripserunt per annum totum, ejusve partes, quique miscellaneas ediderunt &c.

Concionatorum Bibliothecæ.

THEOLOGIA POLEMICA.

Adversus omnes Christi Religionis hostes, Atheos, Infideles.

Adversus Hæreticos.

Ecclesiæ Romanæ & Orientalis inter se controversiæ:

Romanorum itidem & Reformatorum cujuscunque nominis.

Romanorum inter seipsos.

Reformatorum inter seipsos.

CONCILIA, JUS CANONICUM & PONTIFICIUM.

De Conciliis in genere, eorum formâ, auctoritate, omnibusque eò pertinentibus.

Conciliorum Generalium Collectiones.

Concilia Generalia separatim edita ordine Chronologico.

Concilia Nationalia, Provincialia, ordine Regionum & Urbium.

Canonum Collectiones; Corpus Juris Canon; Epistolæ decretales, Bullæ, &c.

Canonistæ, sive Commentarii, tractatusque generales & particulares Juris Canonici, Ordine Chronologico.

De Ecclesiâ, ejusque Hierarchiâ in genere; de potestate Ecclesiâ. & Civili; Conciliorum & summi Pontif. auctoritate; Sacerdotii & Imperii concordia.

De Cardinalibus, Legatis, Episcopis, Abbatibus, Parochis, Canonicis &c. de Beneficiis Ecclesiâ. Sanctiones Pragmaticæ; Concordata.

De Clericis Regularibus in genere.

Regulæ, Constitutiones Regularium; Ordinum Monast. Militar. Monial.

De Disciplinâ & Censuris Ecclesiâ. Inquisitione, &c.

De Divinis Officiis, & ritibus Ecclesiâ. in genere.

Liturgiæ, Officia, & libri rituales Ecclesiarum singular & Ordin. Monast.

HISTORIA SACRA & ECCLESIASTICA.

Chronologia & Historia Sacra Veteris & Novi Testamenti.

Historiæ Ecclesiasticæ Universalis Scriptores ordine temporis & linguar.

Historiæ Ecclesiarum singularum; Græcæ, Romanæ, &c.

Vitæ & Acta Sanctorum, Martyrum, Pontificum
Rom. Cardinalium, virorum & faminarum pie-
tate præstantium.

Historiæ Clericorum Regularium in genere; deindè
singulorum Ordinum Monasticorum & Mili-
tarium.

Historiæ & Chronica Monasteriorum, locorum fan-
ctorum, Miraculorum, Reliquiarum & Sacra-
rum Imaginum.

Hæresiologia.

Bibliothecæ & Catalogi Authorem Ecclesiasticorum.

Geographia Sacra & Ecclesiastica. Notitiæ Episco-
patuum, &c.

HISTORIA PROFANA.

De Historiâ conscribendâ & legendâ; de Historicis, &c.
Chronologia & Historia Universalis; Chronica ge-
neralia, &c.

Historia Græca Antiqua, Veterumque Monarchiarum;
item Antiquitates, Inscriptiones, Numismata
Græca.

Historia Romana ab Urbe conditâ ad Imperii trans-
lationem; Antiquitates itidem, Inscriptiones,
Numismata.

Historia Byzantina ad captam à Turcis Constanti-
nopolim.

Historia Imperii Occidentalis.

Historia Saracenicæ & Turcicæ.

Historia Magnæ Britannicæ, & singularum ordine suo
Europæ Regionum; item Antiquitates, Inscripti-
ones, Numismata, Vitæque Hominum in sin-
gulis gentib. illustrium.

Historia Miscellanea, Fabulosa, Genealogica, He-
raldica.

Historia.

Historia literaria ; Continens historiam Academiarum, Typographiæ, Bibliothecarum : vitas, elogia, Epitaphia Virorum dignitate & literis illustrium ; Bibliothecas Universales Authorum ; particulares Regionum, Ordinum, Civitatum : librorum Catalogos.

Rerum Asiaticarum ; Africanarum ; Americanarum ; & variarum Peregrinationum Scriptores : Itineraria Nautica.

Geographi veteres & recentiores, generales & particulares : tabularum Geographicarum & Marimarum Collectiones. Dictionaria denique & Lexica Historica, Geographica.

JUS CIVILE.

Jus antiquum Græcum ; Romanum ; Leges antiquæ ; Codex Theodosianus ; Corpus Juris à Justiniano Edit ; Novellæ Constitutiones ; Basilicorum libri, seu jus Græc-Rom.

Juris consultorum Commentarii, seu tractatus varii in unum collecti, Concilia, Decisiones juris.

Tractatus de singularibus Juris Titulis ; ut de Testamentis, Usurâ, &c.

Juris Gentium Scriptores ; Fœdera & Pacta Principum ; Jus Feudale.

Leges & Constitutiones singularum Regionum ; Angliæ, Galliæ, Italiæ, &c.

Bibliothecæ, Lexica, Indices, Compendia, Repertoria Juris.

PHILOSOPHIA propriè dicta.

Philosophi antiqui Græci, Latini, Arabes, & in eos Commentarii.

Philosophiæ generalis Scriptores recentiores.

Tracta-

Tractatus Logici, Ethici, Oeconomici, Politici.
 Physici, Metaphysici, Theologia Naturalis, Lexica
 Philosophica.

MATHEMATICA.

Opera Mathematica generalia Veterum & Recentiorum.

Arithmetica, Algebra, Fluxiones.

Geometria Practica, Speculativa, Trigonometria.

Astronomia, Ephemerides, Calendaria; Gnomonica.

Astrologia; ad quam revocari possint aliae artes dinatrices.

Optica, Perspectiva.

Musica.

Mechanica, Statica, & de motu Corporum.

Architectura, Pictura, Sculptura, Artesque militaris,
 Nautica, &c.

Lexica Mathematica, Technica, &c.

HISTORIA NATURALIS.

Qui de Historiâ Naturali Universali scripserunt.

Qui de Homine & Animalibus generatim & speciatim.

Qui de Plantis, Re rusticâ, Hortis, &c.

Qui de Fossilibus, metallis, lapidibus, ignibus subterraneis, balneis & aquis mineralibus.

Qui de Monstris & Prodigis; huc forsitan revocandi sunt qui de Spectris & Energumenis.

MEDI-

MEDICINA.

Veteres Medicinæ Principes Græci, Lat. Arab. & in eos Commentarii.

Recentiores, qui totam Medicinam attigerunt, quique de morbis in genere scripserunt; Observationes; Consultationes.

Qui de Morbis Sexûs, ætatis, Gentisve alicujus propriis, atque de morbis singulis scripserunt.

Therapeutici & Pharmaceutici; qui de morborum curatione, & remediis, Venenis, Antidotis & non naturalibus scripserunt.

Chymici.

Anatomici, Chirurghi, qui in genere, deinde qui de singulis operationibus.

Lexica Medica; Pharmacopææ, Dispensatoria: Hippiatrica, seu de Equorum curatione.

LITERÆ HUMANIORES.

Oratores Veteres Græci, Latini, cum Commentariis & Versionibus: item Proverbia, Phrasæ, loci communes, sententiæ ex eis collectæ; quique artem deinde Rhetoricam tradiderunt.

Oratores recentiores; qui Orationes Encomiasticas, invectivas, paræneticas, inaugurales, libellos famosos latinè seu linguis vernac. scripserunt.

Poetæ Græci & Lat. Veteres; cum Commentariis & Versionibus; quique artem Poeticam tradiderunt.

Poetæ recentiores omnium gentium; qui latinè, quique linguis Vulgar. Anglicâ, Gallicâ, Italicâ, &c. scripserunt.

Epistolarum Scriptores Veteres & Recent. Græcè; Lat. & in linguis Vernac.

Anti-

Antiquarii, qui de Antiquitatibus in genere scripserunt; Mythologi, &c.


Philologia; operum Philologicorum collectiones; Philologi Veteres; Critici, qui observationes, emendationes & varias lectiones ediderunt.

Polymathi, seu Polygraphi, qui varia scripserunt ad artes liberales pertinentia.

Grammaticæ, Lexica, Glossaria linguarum omnium, Orientalium, Græcæ, Latinæ, Vulgarium: item Lexica Rhetorica, Poetica, & Singulorum Authorum; ut Pindaricum, Ciceronianum, &c.

MISCELLANEA quæ ad certam aliquam Classem reduci nequeant.





B. Bibliotheca Vetus armarijs suis,
quæ Clases vocamus, instructa.

B 2. Bibliothecæ Veteris pars altera,
in Clases etiam distributa; quam,
quoniam reliquis angustior & Schola-
rum Publicarum in fronte posita sit,
diruendam, atque in formam quam
Schema exhibet, amplificandam
decreverit Academia.

B R. Bibliotheca Regia; in quam locumq;
illum quadratum ad sinistram con-
clusi jam servantur libri omnes a
Rege donati, quibus recipiendis octo
Armariæ, seu Clases, ex utrâq; Con-
clavis parte, ut in Veteri Bibliothe-
ca, exstructa sunt; perpetuumq; præ-
terea et duplex quoddam Forulorum
Corpus utrinq; libros excipiens, quod
mediam domum secut, pariq; longitu-
dine a solo usq; ad tectum per septen-
decim tabulata exsurgit; hæc tamen
libros omnes capere nequamquam va-
lent, quorum pars insuper magna hu-
mî adhuc confusa jacet.

S. Senaculum, seu Domus ut dicitur, Congre-
gationis; quæ post absolutam edificatio-
nem (quam sedulo jam urgemus) Biblio-
thecæ adjungenda est, cujus demum for-
mam quadratum perfectamq; efficiet.

Conclave
Caij versus

